



**Claudii Fleurii Abbatis Historia Ecclesiastica**

Ab anno Christi 1558. usque ad annum 1560

**Fleury, Claude**

**August. Vind. [u.a.], 1771**

**VD18 90118588**

§. 26. Joannis Baptistæ Folengii extrema.

---

[urn:nbn:de:hbz:466:1-66800](#)

**Sæcul. XVI.** oma transtulit, præcipue vero Origenis  
A. C. 1559 commentarium in librum Job, necnon  
 opera Sancto Dionysio Areopagitæ ad-  
 scripta; nec minus unacum annotatio-  
 nibus latine reddidit Sancti Justini li-  
 bros, D. Basili Hexameron, Sancto-  
 rum Ignatii, & Polycarpi epistolas, vi-  
 tam D. Petri a Sancto Clemente con-  
 scriptam præter quædam Divi Joannis  
 Damasceni opera. Scripsit etiam locos  
 communes Theologicos, eosque quoad  
 istud Aristotelem, & Ciceronem imita-  
 tus Topica Theologica nuncupabat, in  
 quibus ex selectissimis sacræ Scripturæ,  
 & Patrum testimoniis Catholicam do-  
 ctrinam comprobabat, & Melanchtonis,  
 aliorumque Protestantium argumenta  
 refellebat.

### §. XXVI.

#### *Joannis Baptista Folengii extrema.*

*Mirens l.c.* Sextus hoc loco venit Joannes Ba-  
*Dupin. p.34.* ptista Folengius Ordinis S.Benedicti  
*Tuan. l.c.* alumnus Mantuæ natus, Vir scientia,  
 vitæ integritate, ac pietate celebri-  
 mus. Is vitæ Religiosæ institutum Pa-  
 tavii in S. Justinæ Cœnobio, cui etiam  
 postea præerat, profitebatur, ibidem  
 que die quinta Octobris Anno Chrili  
 millesimo quingentesimo quinquagesimo  
 nono, ætatis suæ sexagesimo mortali-  
 tatem exuit, cum suum emendandæ  
 disci-

disciplinæ Ecclesiasticæ studium, nec- **Sæcul. XVI.**  
non hæreticos ad finum Ecclesiæ re- **A C 1559.**  
vocandi Zelum multis argumentis te-  
statum reddidisset; nam hoc Religionis  
fervore animatus Sacræ Scripturæ stu-  
dio incubuit, ac Commentarios in  
utramque D. Petri, & Sancti Jacobi,  
necon in primam S. Joannis epistolam  
conscriptis, quæ ejus opera Anno In-  
carnationis Dominicæ millesimo quin-  
gentesimo quinquagesimo quinto typis  
edita fuerunt: cum vero calamo nimis  
libero uteretur, Romanæ curiæ indi-  
gnationem incurrebat, ejusque opera  
libris in Indice prohibitis accenseban-  
tur. Benignius fatum ferebant illius  
Commentarii in Psalmos, qui primo  
Basileæ Anno millesimo quingentesimo  
quinquagesimo septimo excusi sunt, &  
postea Gregorii XIII. jussu Anno mil-  
lesimo quingentesimo octogesimo quinto  
recogniti, ac juxta scriptum Authoris  
Codicem emendati secundo prelo pro-  
dierunt, in quo illius opere præter in-  
signem pietatem ingens elucet ejusdem  
eruditio: scripsit insuper Folengius ta-  
bulam prorsus utilissimam, in qua Psal-  
mos ad diversas classes juxta argumenta,  
quæ ibidem pertractantur, scite reduxit.

### §. XXVII.

#### *Roberti Cenalis obitus.*

*Hist. Eccles. Tom. XLIII.* U Hisce